

No. 735. 1395. 16. Mai.

Notariell beglaubigte Abschrift des Gunstbriefes K. Karls IV. vom 27. Juni 1377. Vgl. No. 650.

In nom. dom. amen. Anno nativitatis eiusdem millesimo CCC^o. nonagesimo quinto indictione tertia, die XVI. mensis Maii, hora quasi completorii, pontificatus sanctissimi in Christo patris et domini nostri, domini Bonifacii divina providentia papae VIII. anno sexto, in mei notarii publici testiumque subscriptorum praesentia personaliter constituti in loco capitulari ecclesiae Magdeburgensis capitulariter congregatorum honorabiles domini Heydenricus de Bygern scolasticus et senior, totumque capitulum dictae ecclesiae Magdeburgensis litteram constitutionis Karolinae super libertate ecclesiastica facta et in pergameno conscripta — sanam et integram exhibentes et in medium capituli producentes, requirentes me notarium infra scriptum, ut eandem litteram transumerem et in publicam formam redigerem etc. Datum et actum Magdeburg in capitulo ecclesiae Magdeburgensis anno — quibus supra, praesentibus discretis viris domino Nicolao Doleatoris, vicario perpetuo dictae ecclesiae Magdeburgensis, Thiderico Mutwille et Johannes Heriwich de Hertzbergh clericis Magdeburgensis et Missnensis diocesum, testibus ad praemissa vocatis et requisitis.

Et ego Conradus Constantini clericus Magdeburgensis diocesis publicus auctoritate imperiali notarius praedictae litterae constitutionis Karolinae productioni — praesens fui eaque sic fieri vidi et audivi et praesens transumptum in publicam formam redegī — per dictos dominos Heidenricum scolasticum seniore et capitulum ecclesiae Magdeburgensis rogatus et requisitus in testimonium omnium praemissorum.

Notariatszeichen.

Nach dem Orig. im Stiftsarchiv zu Meissen.

No. 736. 1395. 29. Juni.

B. Johann III. ertheilt denen, welche bussfertig die Marienkirche zu Treuenbrietzen an gewissen Festtagen besuchen u. s. w., 40 Tage Ablass.

Johannes dei et apostolicae sedis gratia episcopus Misnensis etc. Cupientes ut ecclesia beatae Mariae virginis in Brezna Brandenburgensis diocesis congruis honoribus frequentetur et a Christi fidelibus iugiter veneretur, omnibus vere poenitentibus confessis et contritis, qui in singulis festivitibus infrascriptis, nativitatis, resurrectionis, ascensionis, corporis Christi, Johannis baptistae, in omnibus festis sanctae Mariae virginis, Mauricii, Laurentii, Nicolai, Gregorii, Martini, Georgii et Ambrosii, Mariae Magdalenae, Katharinae, Margarethae et Elizabeth, omnium sanctorum, in die patroni, in die dedicationis ipsius ecclesiae ipsam ecclesiam [causa] devotionis seu orationis accesserint vel cimiterium circumeundo quinque ‚Pater noster‘ et totidem ‚Ave Maria‘ pro omnibus fidelibus defunctis inibi in Christo quiescentibus pia mente dixerint, seu qui corpus divinum — quando defertur infirmis, devote sint comitati,